



UNIVERSITÄTS-  
BIBLIOTHEK  
PADERBORN

# Universitätsbibliothek Paderborn

## Kirchen Calender

Goldwurm, Kaspar

Franckfort am Mayn, 1574

xxvj S. Stephanus der erste märtyrer der Aufferstehung Christi.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

Gallilea/te. geprediget/ vnd sein Lehr mit Göttlichen Miracteln bestättiget. Im 34. Jar seines Menschlichen alters ist er geeruehiget vnd begraben worden/ den 25. Martij / Nach der Welt schöpffung 3996. Jar / den fünfften Martij/ ist er auffgefahren ghen Himmel/ da er sinet zu der rechten Gottes des Himmelschen Vatters / vnd ist vnser einiger/ barmherziger/ getreuer Hüter/ vnd Heylandt.



3 v

Dieser

Steph  
 C  
 xxvj  
 Stepha  
 nus.

Deser Stephanus ist zu der zeit der Apostel ein Diaconus/vnd ein Mann voll glaubens/vnd des heyligen Geistes gewesen. Die weil er aber öffentlich die Halsstarrigkeit vnd Mörderisch arth der Juden/mit grossen eyffer gestrafft/vnd inen angezeigt/das jr Reich ein ende habe/vñ der rechte Messias schon erschienen were/ward er zu der Statt hinaus gestossen. In seinem Gebett hat er den Himmel offnen/vnd Christum zu der rechten Hand Gottes sitzen gesehen/dem er seinen Geist befohlen hat. Ist also gesteiniget worden/vnd wirdt für den ersten Martyrer nach der Auferstehung Christi gehalten. Des Namen Stephani genandt / seindt etliche zu vnseren zeiten vmb Christlicher bekandnuß willen / vmbbracht worden/als Stephanus Bruno/im Jar tausendts fünffhundert vnd eynß. Stephanus de la Forge inn Franckreich/im tausendts fünffhundert vier vnd dreyßig. Item/Stephanus Magnus/im jar tausendts fünff hundert/sechs vnd vierzig / vnd dergleichen noch etliche mehr.